

Tiga pelajar UPM Bintulu selamat tiba di Sri Aman

SRI AMAN: Kepulangan tiga pelajar Universiti Putra Malaysia (UPM) Kampus Bintulu ke Sri Aman pagi semalam disambut dengan perasaan kegembiraan dan linangan air mata oleh ahli keluarga mereka.

Ini berikutan setelah sebulan pelajar terbabit terkandas di kampus tersebut berikutan negara berdepan dengan pandemik COVID-19 yang melanda ketika ini.

Kegembiraan jelas terpancar di wajah mereka setelah selamat tiba di Dewan Suarah Sri Aman, jam 1 pagi semalam.

Turut menyambut ketibaan pelajar terbabit ialah Timbalan Residen Bahagian Sri Aman Elvis Didit serta petugas barisan hadapan serta ahli-ahli keluarga mereka.

Elvis berkata, kebajikan pelajar institusi pengajian

tinggi (IPT) itu mendapat pembelaan pada fasa keempat Perintah Kawalan Pergerakan (PKP) dengan keputusan dibuat Majlis Keselamatan Negara (MKN) memberi kebenaran mereka pulang ke kampung.

“Mewakili ahli keluarga pelajar, kita berterima kasih kepada kerajaan persekutuan dan negeri yang memahami denyut nadi ibu bapa yang anak mereka terkandas di IPTA lebih sebulan lalu,” katanya.

Elvis turut menasihati pelajar terbabit menjaga disiplin diri dengan mengamalkan penjarakan sosial, duduk di rumah, sentiasa menjaga kebersihan diri dengan kerap mencuci tangan menggunakan air dan sabun serta cecair pembasmi kuman dan tidak ingkar PKP.

Terdahulu, ketiga-tiga



PEMERIKSAAN KESIHATAN: Salah seorang pelajar melakukan pemeriksaan kesihatan sebelum diserahkan kepada keluarga masing-masing.

pelajar terbabit melalui proses disinfeksi yang dilakukan anggota Jabatan Bomba dan Penyelamat Sri Aman seterusnya menjalani

saringan kesihatan termasuk pemeriksaan suhu badan dan pengesanan gejala sebelum diserahkan kepada keluarga masing-masing.